

Quint annual da la BCG 2017: gudogn da record ed augment da la dividenda

Cuira, ils 9 da favrer 2018 – La Banca Chantunala Grischuna (BCG) ha realisà l'onn da gestiun 2017 cun CHF 197.9 miu. il meglier resultat operativ da sia istorgia. Cun in augment dal volumen da la fatschenta da CHF 2.8 mia. accentuescha la banca sia buna posiziun sin il martgà. Il chantun Grischun e ils participants dastgan sa legrar d'in augment da la dividenda.

Las cifras distinctivas:

- gudogn dal concern: CHF 180.3 miu. / +7.0%
- resultat da fatschenta: CHF 195.3 miu. / +24.8%
- gudogn net avant las reservas excl. minoritads: CHF 197.9 miu. / +12.5%
- afflussiun da novs daners: CHF +234.9 miu.
- creschientscha da las ipotecas: CHF +929.9 miu. / +6.0%
- relaziun da custs e d'entradas I: 45.6%; relaziun da custs e d'entradas II incl. amortisaziuns: 48.5%
- dividenda: CHF 40.00 / CHF +2.00

En in ambient favuraivel èsi reussi a la Banca Chantunala Grischuna da realisar in resultat da record, quai grazia a sia posiziun eccellente sin il martgà. «Al svilup dal gudogn legraivel vulain nus laschar far part noss participants cun augmentar la dividenda», sa legra il president da la banca Peter Fanconi. CEO Alois Vinzens constatescha che la BCG ha pudì rinforzar vinavant sia libertad d'agir grazia al resultat cuntanschi: «Il schlantsch positiv vul la banca nizzegiar per ulteriuras investiziuns che vegnan duvradas per dar dumogn a las midadas futuras sin il martgà, surtut per realisar la strategia 'Digital Banking 2020'.»

Resultat da fatschenta: in augment da 24.8%

Il resultat da fatschenta (CHF 195.3 miu.), sco mesira per la prestaziun operativa, è creschi a moda signifitganta per 24.8%. Quest svilup ordvart legraivel è d'attribuir a l'augment dal retgav en tut las fatschentas, a la reducziun da posiziuns da ristga sco er ad in bun management dals custs. Las amortisaziuns cumpiglian las amortisaziuns da goodwill planisadas da CHF 5.2 miu. sin la participaziun a l'Albin Kistler AG. La valor da l'onn precedent cunteneva anc in'adattaziun da la valor iniziala sin la participaziun menziunada.

Gudogn dal concern: CHF 180.3 miu. / +7.0%

Il gudogn dal concern preschentà è creschi sin CHF 180.3 miu. grazia a la ferma fatschenta operativa. Las expensas per il project da CHF 2.3 miu. en connex cun la strategia «Digital Banking 2020» ha la banca finanzia cun las reservas da banca liadas a las investiziuns per l'avegnir.

Resultat da la fatschenta da tschains: reducziun da las posiziuns da ristga

Il resultat da la fatschenta da tschains è s'augmentà visavi l'onn precedent per 6.1% sin CHF 254.3 miu. (CHF +14.7 miu.). Ina reducziun legraivla da las posiziuns da ristga ha pussibilità da schliar rectificaziuns da la valur en l'autezza da CHF 9.3 miu. (onn precedent: CHF -0.2 miu.). La quota dals credits cun retard dal pajament è sa sbassada sin in nivel minimal da 0.17%. L'augment da la fatschenta da tschains è d'attribuir sper il resultat da las ristgas er ad in meglier resultat da la fatschenta da tschains bruts da +2.2%. Il ferm svilup dals emprests ha influenzà positivamain la fatschenta da tschains.

Fatschenta da cumissiuns e fatschenta commerciala: focus strategic

Il resultat da la fatschenta da cumissiuns e da servetschs è creschì sin in aut nivel per +4.3% sin CHF 93.7 miu. L'augment dal volumen da mandats e l'emissiun d'agens fonds sco er in augment dal gudogn legraivel da la **Banca privata Bellerive AG** han contribuì essenzialmain al resultat excellent. L'ambient favuraivel ha manà ad in augment da las transacziuns en valutas estras cun in effect positiv per la fatschenta commerciala (+12.0%).

Ulteriur gudogn: contribuziun da l'Albin Kistler AG al resultat

L'ulteriur resultat ordinari (CHF +6.2 miu.) è s'augmentà sin fundament da la strategia d'investiziun pli activa tar las investiziuns finanzialas en vaglias (CHF +3.5 miu.) sco era sin fundament dal resultat da la participaziun da 25% a l'Albin Kistler AG (valitaziun equity).

Custs da fatschenta: augmentà cleramain la productivitat

Ils custs da fatschenta inclus l'indemnisaziun da la garanzia statale è sa sbassads cumpareglia cun l'onn precedent per 2.4% u CHF 4.2 miu. Ils custs da fatschenta da l'onn passà cuntegnevan in deposit unic en la fundaziun da prevenziun a favur dal personal. Resguardond ils pajaments da contribuziun pli auts en la fundaziun da prevenziun, èn ils custs da fatschenta restads quasi constants. La relaziun da custs e d'entradas II ha pudì vegnir reducida sin 48.5% grazia als custs stabils ed als retgavs pli auts.

Emprests a la clientella: ina ferma creschientscha da 5.4%

Ils emprests a la clientella èn s'augmentads per 5.4%. La creschientscha sur la media è d'attribuir ad ipotecas extrachantunalas d'emprima classa. Dus terzs da l'augment da las ipotecas (+6.0%) èn vegnids generads ordaifer il chantun. Uschia vegnan cumpensads ils limits da creschientscha dal martgà da chasa senza curren ristgas pli autas.

Facultad dals clients: in augment da CHF 1.8 mia. a stgars CHF 30 mia.

Il svilup excellent dals martgads da chapital ha pussibilità in augment da la facultad d'investiziun da CHF 1.6 mia. Sper il ferm svilup da la valur ha la BCG acquirì CHF 234.9 miu. novs daners. La facultad dals clients è creschida en total sin CHF 29.7 miu. (+6.6%).

Dotaziun d'agen chapital: quota eccellente dal chapital essenzial da 18.7%

La BCG ha la finamira da sa differenziar a moda positiva dal martgà cun ina dotaziun d'agen chapital surproporziunala. La quota da chapital validada munta a 18.7% (relaziun CET 1) e sa cumpona cumplainamain da chapital essenzial ferm. Cumpareglià cun la quota pretendida dal dretg da controlla da 12.8% dispona la banca damai da grondas reservas d'agens meds.

Distribuziun: in augment da la dividenda sin CHF 40.00

Il resultat da record 2017 pussibilitescha a la banca d'augmentar la dividenda per CHF 2.00 sin CHF 40.00. En total vegnan distribuids via las dividendas CHF 100.0 miu. (CHF +5.0 miu.) al chantun Grischun ed als participants. Il chantun Grischun survegn inclus l'indemnisaziun da la garanzia statala CHF 87.3 miu. (CHF +4.3 miu.). Al fond da contribuziuns per projects nuncommerzials dals champs cultura, util public, sport, economia, turissem e societad èn vegnids assegnads CHF 3 miu. (CHF +1 miu.).

Sguard en l'avegnir

La Banca Chantunala Grischuna quinta l'onn 2018 danovamain cun in bun resultat. Il svilup dal resultat da fatschenta na pretenda betg in'ulteriura reducziun da las posiziuns da ristga, uschia ch'igl è da spetgar in resultat tranter CHF 170 e 175 miu. sche l'ambient da la bursa resta stabil. En l'affar da clients quinta la BCG per il 2018 cun ina creschientscha pli bassa dals emprests a la clientella da radund CHF 400 miu. e cun in'afflussiun da novs daners da var CHF 450 miu.

Contact per ils collavuratur da medias e per investurs:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 985 collavuraturas e collavuratur (stadi dals 31-12-2017). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 25,6 milliardas in gudogn dal concern da CHF 180,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2018: 26 da fanadur 2018

Radunanza dals participants: 5 da matg 2018
